

## II - ARABAKO LURRALDE HISTORIKOAREN TOKI ADMINISTRAZIOA

### VITORIA-GASTEIZKO UDALA

#### LURRALDEA ETA KLIMAREN ALDEKO EKINTZA

#### Plangintza eta Hirigintza Antolamendua Gauzatzea

#### Zubigarain, Gasteizko Eratzun Berdeari loturik, Idiazabal gaztaren espazioaren eremua sortzeko Gasteizko Hiri Antolakuntzarako Plan Orokorraren egiturazko aldakuntzan herritarrek parte hartzeko programa

Gasteizko Udaleko alkate lehendakariaren 2022ko maiatzaren 13ko dekretu baten bitartez ekin zitzaion Gasteizko Hiri Antolakuntzarako Plan Orokorraren egiturazko aldakuntzari, Zubigarain, Gasteizko Eratzun Berdeari loturik, Idiazabal gaztaren espazioaren eremua sortzeko. Bigarren puntuan, agindu zen herritarren partaidetza-programaren laburpena ALHAOn eta Udalaren webgunean argitara zedila, eta hirugarrenean, berriz, aurretiko kontsulta publikoa egin zedila, herritarren iritzia jasotze aldera.

#### Herritarren partaidetza-programa

Agiriaren xedea.

Zubigarain, Gasteizko Eratzun Berdeari loturik, Idiazabal gaztaren espazioaren eremua sortzeko Gasteizko Hiri Antolakuntzarako Plan Orokorraren, HAPO, egiturazko aldakuntzan herritarrek parte hartzeko programa, lurralde-antolamenduko planak eta hirigintza-antolamenduko tresnak onartzeko prozedurak arautzen dituen martxoaren 24ko 46/2020 Dekretuan aurreikusitakoaren ildotik.

Proposatutako aldakuntzarekin heldu nahi zaien kontuen laburpena:

Proposamenaren eremua Zubigarain dago kokatua, Salburuako 14. sektorearen hegoaldean eta Nebera gainaren inguruan; Ansoletako 52 katastro-poligonoko 13., 14. eta 15. industria-lur-sailek eta 'komunikazio eta garraioak, bide-sarea' sailkapena duen 16. lursailak osatua.

Aldakuntzaren helburua da eremua behar bezala ezaugarritu eta mugatzea, lurzorua kalifikazioaren eta beharrezko hirigintza-parametro espezifikoaren bidez, nekazaritzako elikagaien espazioa barne hartzen duten proiektuak hartu ahal izateko, bideragarri egiten duten jarduerak integratuz: nekazaritza-, abeltzaintza-, ekoizpen-, kultura- eta aisialdi-jarduerak, funtzionamendu egokirako beharrezko diren ingurune espazio libreak antolatuz horretarako. Horrenbestez, ingurua biziberritu eta birkualifikatu nahi da, lehendik direnen birgaitze-jarduketak barne hartuz gainera, beren balio historikoa edo ingurumenaren arlokoa aintzat harturik.

Herritarrek parte hartzeko gida.

Herritarrek parte hartzeko programak urrats hauei jarraituko die:

1. ALHAOn eta Udalaren webgunean argitaratuko da herritarren partaidetza-programa hau.

2. Dokumentua landu aurretik, kontsulta publikorako deialdia egingo da Udalaren webgunean. Kontsultak gutxienez hilabete iraungo du, interesdunek iritzia eman ahal izan dezaten planaren aldakuntzaren aurrekarietarako, ekimenarekin konpondu nahi diren arazoez, onestearen beharraz eta egokitasunaz, helburuez eta izan daitezkeen konponbide alternatiboez.

Deialdian alderdi hauek zehaztuko dira: kontsultarako epea, eta ekarpenak, iradokizunak eta galderak zein helbide elektronikotara bidal daitezkeen, horiek telematikoki baino ezingo baitira egin.

3. Hasierako onespena emateko proposatzen den agiriak aurretiko kontsulta publikoan jasotako ekarpenak balioesteko txostena barne hartuko du. Hasierako onspena eman ondoren, eta jendaurreko erakustaldiaren aurretik:

a. Udalak bere webgunean sartuko ditu agiria eta egikaritze-laburpen bat, errazago aztertzetik izan dadin.

b. Hasierako onspenari eta jendaurreko erakustaldiaren deialdiari buruzko iragarkia argitaratuko da prentsan, ALHAOn eta Udalaren webgunean.

4. Jendaurreko erakustaldian, eta hori bukatu baino gutxienez 15 egun lehenago, betekizun hau bete beharko da —beharrezkoa bada, erakustaldia automatikoki luzatuko da, bete ahal izateko—:

a. Udal Plangintzarako Aholku Kontseiluari erakutsiko zaio agiria.

b. Publikoari irekitako saio batean aurkeztuko da, non alderdi hauek azalduko baitira: aldatetaren edukia eta irismena, kontsultatzeko moduak, bilera partikularretarako hitzordua eskatzeko aukera, alegazioak egiteko modua, eta entregatzeko leku-epeak. Orobat, galderak egiteko aukera izango da.

Udalaren iragarki taula ofizialean eta webgunean egingo da saiorako deialdia, eta herritarrek parte hartzeko prozesuan ekarpenak egin dituzten edo aurretik Udalari hori egiteko eskatu dioten guztiei jakinaraziko zaie.

Dosierra zuzenean kontsultatu nahi dutenek horretarako aukera izango dute jendaurreko erakustaldiaren barruan; horretarako hitzordua eskatu beharko diote aurretiaz Lurraldearen eta Klimaren aldeko Ekintzaren Sailari, telefonoz edo idatziz, eta zehaztu beharko dute arreta edo azalpen pertsonalizaturik jaso nahi duten kontsulta egitearekin batera.

Lan orduetan sailean telefonoz egindako kontsultei edo posta elektronikoz jasotakoei ere erantzungo zaie, edo gerorako hitzordua jarriko.

Alegazioak Sailera bidali beharko dira, idatziz edo telematikoki, jendaurreko erakustaldiaren barruan. Tokiko Gobernu Batzarrak horiei buruzko iritzia emango du dosierra izapidetzen jarraitu aurretik.

5. Jarraitutako partaidetza-prozesuari buruzko laburpen-txosten bat egingo da, eta behin-behinekoko onspena emateko aurkeztzen den HAPOn aldakuntzaren testu bateratuan sartuko.

Vitoria-Gasteizen, 2022ko maiatzaren 13an

*Alkate-lehendakaria*  
**GORKA URTARAN AGIRRE**